


西疇居士春秋本例

一

據上海圖書館藏宋刻本影
印原書版框高二十一·四
釐米寬十六·三釐米





西疇居士春秋本例序



春秋之法以為天下有中外侯國有大小位有尊卑

情有疏戚不可得而齊也是故詳中夏而略夷狄詳

大國而略小國詳內而略外詳君而略臣此春秋之

義而日月之例所從生也著日以為詳著時以為略

又以詳略之中而著月焉此例之常也然而事固有

輕重矣安可不詳所重而略所輕乎其槩所重者日

其次者月又其次者時此亦易明爾然而以事之輕

重錯於大小尊卑疏戚之間又有變例以為言者此

日月之例至於參差不齊而後世之論所以不能合

也今考之春秋之法權事之輕重而著為之例分其

類而條次之可以具見而不疑若夫事有疑於其例

者則備論焉且嘗論聖人之書編年以為體舉時以

為名著日月以為例春秋固有例也而日月之例蓋

其本也故號本例嗚呼學者苟通乎此則於春秋之

義斯過半矣

西疇居士春秋本例卷第一



涪陵崔氏

例目



王門

例日

九三

師敗

崩

葬

例月

九四

居

入狩

殺其弟

王后門 王姬附

例日 九一

卒 王姬

例月 九三

逆王后 王后歸 王姬歸

例時 九一

內逆王姬

王臣門

例日 九一

卒

例月 九五

立 奔 救 殺 葬

本例

例時 九三

來 來求 來聘

九王事門

例月 九七

王室亂 來聘 錫命 歸服 歸贈

使求 會葬

公門

例日 九七

即位 朝 盟 孫 喪至 薨 葬

例月 九二十五

會 如 至 在 居 還 復

次 遇 至 以 城 侵 伐

圍 取 追 救 納 狩 觀
視 平國 成亂 釋諸侯

子門

例日 九二

生 卒

夫人門

例日 九六

入 致 孫 喪至 薨 葬

例月 九八

公納幣 公逆女 姑逆婦 大夫逆女

至 大夫以夫人至 歸 饗

例時 九六

本例一

三

陳于

會 如 至 大夫納幣 諸侯逆女

大夫宗婦覲

內女門

例日 九一

卒

例月 九四

大夫為君逆 歸 執 葬

例時 九十二

來納幣 大夫自逆 致女 來媵

來 來歸 復歸 遇 逆婦

求婦 朝子 逆喪

內大夫門

例日 九三

奔 刺 卒

例月 九二

盟 執

例時 九二十五

莅盟 會 如 至 來 來歸

還 復 逆 媵 告 讎 乞師

隳邑 疆田 城 入邑 侵 伐

圍 取 救 次 戍 歸喪

如葬

宗廟郊祭門

例日 九十一

本例

立宮 作主 郊 禘 大事 烝

嘗 有事 繹 從祀 納鼎

例月 九五

考宮獻羽 卜郊 用牲于社

不告月猶朝廟 屋壞

例時 九二

丹楹 刻桶

內戎事門

例日 九五

戰 敗 治兵 大閱 焚邑

例月 九三

作軍 舍軍 作甲

允內事門

例月 九三

諸侯來盟

肆眚

邑潰

例時 九四十九

來盟

來朝

來聘

來會

來唁

來言

來求

來輸平

胥命

允來

以來

逃來

來獻捷

來歸俘

來歸禘

來奔喪

來會葬

侵我

伐我

圍內邑

入內邑

取內邑

取內田

內入邑

內取邑

內取田

歸內田

假田

稅畝

田賦

蒐

狩

乞師

來乞師

平

戍

次

師救

師圍

師還

歸

城

築

作

浚

毀

竊

得

取殺

允外事門

例日 九十一

戰

敗

入

滅

國滅以君歸

國君滅

誘殺國君

盜殺國君

執國君用之

弑君

卒

例月 九十七

諸侯盟

立君

執國君

釋國君

獲國君

國君奔

國君歸

國君入

敗小國

入小國

滅小國

戕國君

國遷

國潰

亡克

葬

例時 九四十七

諸侯會 大夫盟 大夫會 相如

如會 如師 乞盟 平 還

次 遇 以 逃歸 大去 小國君奔

小國君入 小國君歸 執小國君 大夫奔

大夫歸 大夫入 叛 殺世子

殺君之子 執世子用之 殺大夫 盜殺大夫

獲大夫 執大夫 放大夫 討賊

侵 伐 圍 取 救 納 降 戍

襲 殲 弃師 取師 遷邑 入郭 城

小國葬

戎狄門

本例一

例月 九八

公與盟 滅中國 入中國 敗中國

為中國滅 國滅以君歸 弑君 卒

例時 九十六

中國與盟 中國與戰 為中國敗 為中國侵

為中國伐 為中國圍 侵中國 伐中國

圍中國 救中國 執歸 誘殺

相滅 相入 相敗 相伐

內灾異門

例日 九六

日食 地震 震電 山崩 星變 灾

例月 九二

雨雪 隕霜

例時 九十二

有年 無麥禾 李梅實 大水 旱

饑 有蜚 有蟻 多麋 有鸛鷓

蝻生 獲麟

不著例 九八

星孛 雹 無冰 雨水冰 螟

蝻 雩 不雨

外災異門 九一

災

例時 九七

大災 火 山崩 大水 雨蝻

本例一

七

陳一

隕石 鴟退飛

西疇居士春秋本例卷第一

西疇居士春秋本例卷第二

涪陵崔氏 一

王門

例日

師敗

成元年秋王師敗績于茅戎 以時志而知例日者春秋以軍事為重故九戰

敗例皆日則王師之敗固當日矣王者之師天下莫敢校今戎夷乃能敗之春秋深惡焉故其詞使若王師自敗于彼云尔又特略其事而以時志也

右一變例

崩

隱三年三月庚戌天王崩

相十五年春三月乙未天王崩

僖八年冬十有一月丁未天王崩

文八年秋八月戊申天王崩

宣二年冬十月乙亥天王崩

成五年冬十有一月己酉天王崩

襄元年秋九月辛酉天王崩

襄二十八年冬十有二月甲寅天王崩

昭二十二年夏四月乙丑天王崩

右九著例

葬

莊三年夏五月葬桓王

其不日蓋譏也禮不及禮而葬也

本例二

程月

文九年春二月辛丑葬襄王

宣三年春王正月葬匡王

襄二年春王正月葬簡王

昭二十二年夏六月葬景王

右五著例一變例四

五書葬其不及禮者四何其失禮多耶且九葬

皆以內往葬為詞春秋九書王崩而書葬五則內之不赴葬者凡四也以天子之葬而諸侯不往會者如此之多則宜其不及禮者亦多也

居

居

僖二十四年冬天王出居于鄭

王者無外然則天王之出見不

能乎其家而出也其曰出失內之辭尔然於外猶得其所居焉故曰天王出居于鄭也夫貴為天子而不能容其母弟以得罪于母亦甚矣故春秋盡其辭且不月以見譏

昭二十二年六月劉子單子以王猛居于皇王猛非正

劉不月此承
漢景王月

昭二十三年秋七月天王居于狄泉

右三著例一其變例二

入

昭二十二年秋劉子單子以王猛入于王城入

城不月知居于皇亦不月者也居入不
月然後知王猛之非正而春秋譏矣

昭二十六年冬十月天王入于成周

右二著例一其變例一

狩

僖二十八年冬天王狩于河陽溫河陽之邑也晉文始霸會諸侯于溫而

王適於是時為河陽之狩蓋王實畏晉欲來會之故
假狩事以行耳春秋不月王之行所以見譏而三家
本例二

皆謂再致天王諱之
似誤矣詳具經解

右一變例

殺

襄三十年五月天王殺其弟佖夫

右一著例

王后門王姬附

例日

卒

莊二年秋七月齊王姬卒

右一王后外夫人卒葬皆不書王姬由魯葬猶
內女且來赴故卒之也死人之重事例皆

日然不以是為護王姬不日卒蓋
闕也九薨卒有不日者皆類此

例月

逆王后

栢八年冬十月癸公來遂逆王后于紀 承雨雪月

襄十五年二月劉夏逆王后于齊 承盟月王后天下之母而使士逆士

賤非所以逆王后也故不月以見之詳具經解

右二變例

王后歸

栢九年春紀季姜歸于京師 自紀言之猶略也

右一變例

王姬歸

莊元年冬十月王姬歸于齊 承陳侯卒月

莊十一年冬王姬歸于齊

右二變例 內女歸例月知王姬歸亦例月矣王姬歸不書主我故書齊魯仇讎

本例二

三

康二

之國而為之主婚媼雖有天子之命可以辭矣故不月以見讖

例時

逆王姬

莊元年夏單伯送王姬 齊魯仇讎之國而為之主婚媼雖有天子之命可以辭矣

故不月以見讖逆王姬例月

右一變例

王臣門

例日

卒

隱三年夏四月辛卯尹氏卒

文三年夏五月王子虎卒

昭二十二年冬十月王子猛卒

定四年秋七月劉卷卒

右四著例一其失日三

例月

立

昭二十四年秋七月尹氏立王子朝

右一著例

奔

成十二年春周公出奔晉

九自周無出周公之出不能乎其國而出也周公

國於王畿矣故特從小國例而不月不月然後知周公不能乎其國而出明矣

襄三十年五月王子瑕奔晉

昭二十六年冬十月尹氏召伯毛伯以王子朝奔楚

右三著例二其變例一

本例二

陳二

救

莊六年春王正月王人子突救衛

救例時善其能救衛也故詳志

而月之也

右一著例

殺

宣十五年六月王扎子殺召伯毛伯

右一著例

葬

定四年秋七月葬劉文公

右一著例

例時

來

隱元年冬十有二月祭伯來

為天子之大夫而私

以見譏九

來例時

右一著例

來求

隱三年秋武氏子來求聘

文九年春毛伯來求金

右二著例

來聘

莊二十三年春祭叔來聘

右一著例

凡王事門

例月

本例二

二

三

王室亂

昭二十二年六月王室亂

右一著例

使來聘

隱七年冬天王使凡伯來聘

隱九年春天王使南季來聘

桓四年夏天王使宰渠伯糾來聘

桓五年冬天王使仍叔之子來聘

桓八年春正月天王使家父來聘 承烝月

僖三十年冬天王使宰周公來聘

宣十年秋天王使王季子來聘

右七變例

以時志而知例月者春秋之例以尊卑為詳略故凡王事未有不月者其不月志者

譏也周官時聘以諭諸侯之志則王使來聘蓋可也然終春秋之世周之聘魯者七而魯之臣如京師者五見周之所以交魯之禮厚而魯之所以事同之禮薄而上下皆失之矣春秋之所不與故於內之如京師者不言聘而於王使來聘則去月以見譏

錫命

莊元年冬十月王使榮叔來錫栢公命

文元年夏四月天王使毛伯來錫公命

成八年秋七月天子使召伯來賜公命

右三著例

歸服

定十四年秋天王使石尚來歸服

周官歸服以交諸侯之福則王使歸

服蓋可也周見周之文魯之禮厚而魯之所以事周之禮薄而上下皆失之矣春秋之所不與故猶不月聘不見譏與來聘不月同例

右一變例

歸贈

隱元年秋七月天王使宰咺來歸惠公仲子之贈

文五年春王正月王使榮叔歸含且贈

右二著例

使求

栢十五年春二月天王使冢父來求車

右一著例

會葬

文元年二月天王使叔服來會葬

文五年三月王使召伯來會葬

右二著例

西疇居士春秋本例卷第二
西疇居士春秋本例卷第三

涪陵崔氏

公門

例日

即位

栢元年春王正月公即位

文元年春王正月公即位

宣元年春王正月公即位

成元年春王正月公即位

襄元年春王正月公即位

昭元年春王正月公即位

定元年六月戊辰公即位

哀元年春王正月公即位

右八著例一其變例七

子繼於是即位然則即位當在先君之年嫌一年而二君故於嗣君之年正月書之追治之也見即位者嗣君之始焉爾追治之事不可以日志也定公則異是矣故以日即位日即位其例也

朝

僖二十八年五月癸丑公朝于王所

是年冬壬申公朝于王所 有日無月 蓋月闕

右二著例

盟

隱元年三月公及邾儀父盟于蔑

公始即位不能自信而願與邾

為盟卒又渝之故不日以見譏公盟例日

隱六年夏六月辛酉公會齊侯盟于艾

隱八年九月辛卯公及莒人盟于浮來

桓元年夏四月丁未公及鄭伯盟于越

桓十二年夏六月壬寅公會紀侯莒子盟于曲池

是年秋七月丁亥公會宋公燕人盟于穀丘

是年冬十有一月丙戌公會鄭伯盟于武父

桓十七年春正月丙辰公會齊侯紀侯盟于黃

是年二月丙午公會邾儀父盟于趯

莊九年春公及齊大夫盟于莒是時齊無君其曰齊大夫衆辭也雖

然當其無君可以無盟矣又不正公之釋怨而與仇盟春秋深惡焉故不月與日以見譏

莊十三年冬公會齊侯盟于柯是時魯亦強國而隣於齊齊欲圖霸

而魯數不會故齊為柯之盟以親魯也齊相不能修德以來諸侯而顧為私盟以屬魯以相公為病矣且公前

年納其仇不克親與齊戰今乃從而受盟以公亦病矣故不月與日以見譏

莊十六年冬十有二月會齊侯宋公陳侯衛侯鄭

伯許男曹伯滑伯滕子同盟于幽公羊曰公會當從公羊加公字

相盟不日齊始霸也

莊二十二年秋七月丙申及齊高侯盟于防著曰而盟

蓋公盟也不言公大夫不敵也且又喪盟何以不譏譏喪盟例去日去日則無用見其為公盟也春秋欲有所

見者不嫌矣詳具經解

莊二十三年冬十有二月甲寅公會齊侯盟于

扈相盟不日不正齊魯之為是盟復日之以見譏也

莊二十七年夏六月公會齊侯宋公陳侯鄭伯

同盟于幽齊相始霸也允相文之盟不日以著其信

閔元年秋八月公及齊侯盟于洛姑相盟不日

僖五年秋八月諸侯盟于首止不日 相盟

僖七年秋七月公會齊侯宋公陳世子款鄭

子華盟于甯母不日 相盟

僖八年春王正月公會王人齊侯宋公衛侯許男

曹伯陳世子款盟于洮不日 相盟

僖九年九月戊辰諸侯盟于葵丘其信且葵丘之

盟束牲載書而不歃血加五命以令諸侯此相公之盛而反加日何也周衰之末天下無王諸侯有能行王政而興起者則易然也以相公之盛管仲之賢而不能有志乎此乃區區為霸者之政此孔子之門所以小管仲而下相文雖然當是時攘戎狄安中國九合諸侯免民於左社之患者相公之功也春秋與其霸而小其不至於王故於九合之會則信之以著其美而於葵丘之盟則變例以見譏焉然獨於是盟然後見譏何也猶曰相之盛極此而已無能為矣故譏之也

僖十五年三月公會齊侯宋公陳侯衛侯鄭伯

例三

三

東千

許男曹伯盟于牡丘不日 相盟

僖二十一年十有二月癸丑公會諸侯盟于薄

釋宋公

僖二十五年冬十有二月癸亥公會衛子莒慶

盟于洮

僖二十六年春王正月己未公會莒子衛甯速

盟于向

僖二十七年十有二月甲戌公會諸侯盟于宋

僖二十八年五月癸丑公會晉侯齊侯宋公蔡

侯鄭伯衛子莒子盟于踐土晉文始霸也相文之盟不日以著其信則

此何以日為下公朝于王所當日也如日於上知既盟而朝同在癸丑之日耳

文二年三月乙巳及晉處父盟著日而盟蓋公盟也 不言公大夫不敵也

是又喪盟何以不譏譏喪盟例去日去日則無用見其為公盟也春秋欲有所見者不嫌矣詳具經解

文三年十有二月己巳公及晉侯盟

文七年秋八月公會諸侯晉大夫盟于扈

是時晉侯新立故諸

侯相與會于晉境而聽事焉晉侯不能親諸侯乃使大夫抗禮而主盟此諸侯之耻而晉之罪也故不叙諸侯不名晉大夫以略之又不可日以見譏則異乎同盟于新城矣詳具經解

文十三年十有二月乙丑公及晉侯盟

文十四年六月公會宋公陳侯衛侯鄭伯許男曹

伯晉趙盾癸酉同盟于新城

文十七年六月癸未公及齊侯盟于穀

宣十七年六月己未公會晉侯衛侯曹伯邾子

同盟于斷道

成二年十有一月丙申公及楚人秦人宋人陳

人衛人鄭人齊人曹人邾人鄆人盟于蜀

成三年冬十有一月丙午及荀庚盟丁未及孫良

夫盟

此皆聘而後盟也著日而盟知其為公矣不言公大夫不敵也大夫何以不貶彼以賓客之道

來我國與之盟亦其諸類此

成五年十有二月己丑公會晉侯齊侯宋公衛侯

鄭伯曹伯邾子杞伯同盟于蟲牢

成七年八月戊辰同盟于馬陵

救鄭諸侯

成九年王正月公會晉侯齊侯宋公衛侯鄭伯

曹伯莒子杞伯同盟于蒲

自文宣以來晉楚於是爭盟而伐鄭鄭從晉則

楚師至從楚則晉師至然鄭固欲親中國自宣二年晉宋衛陳之役而鄭之從晉者十年其後蜀之盟楚實合

十二國之衆以臨諸侯鄭於是在楚故晉侯伐鄭也鄭

固未有罪耳而晉人於秋執鄭伯稟書伐鄭明年衛侵鄭諸侯復伐鄭而鄭亦不賓作合作辭及楚人一

有討於鄭而鄭即甘心於楚蓋怒晉之無信不恤小國之禍而輕辱人君乃與楚比伐許侵宋同撓諸夏九二十年之間諸侯會盟侵伐城戍曾無虛歲譏譏然以失鄭為憂是禍也晉有以啓之以不信蒲之盟故也春秋不日其盟所以起其事而見譏焉

成十一年王三月己丑及郤犇盟聘而後盟

成十五年三月癸丑公會晉侯衛侯鄭伯曹伯宋世子成齊國佐邾人同盟于戚

子成齊國佐邾人同盟于戚

成十七年六月乙酉同盟于柯陵伐鄭諸侯

襄三年夏四月壬戌公及晉侯盟于長檮

是年六月公會單子晉侯宋公衛侯鄭伯莒子邾子齊世子光己未同盟于鷄澤

邾子齊世子光己未同盟于鷄澤

襄七年冬十月壬戌及孫林父盟聘而後盟

襄九年十有二月己亥同盟于戲伐鄭諸侯

襄十一年秋七月己未盟于亳城北伐鄭諸侯

襄十五年二月己亥及向戌盟于劉聘而後盟

襄十九年王正月諸侯盟于祝柯此圍齊諸侯也諸侯患齊之強數事

侵伐故欲同圍之然而不能而遂為此盟其盟也有不同者矣此邾子所以執也故不與同又不日以見譏焉

襄二十年夏六月庚申公會晉侯齊侯宋公衛侯鄭伯曹伯莒子邾子滕子薛伯杞伯小邾子盟于澶淵

鄭伯曹伯莒子邾子滕子薛伯杞伯小邾子盟于澶淵

于澶淵

襄二十五年秋八月己巳諸侯同盟于重丘會夷儀諸侯

昭十三年八月甲戌同盟于平丘公不與盟會平丘諸侯詳

具經解

昭二十六年秋公會齊侯莒子邾子杞伯盟于鄆

陵二十五年公孫于齊齊謀納公莒邾杞皆齊之與國故同為鄆陵之盟也且公實有國而不處反因他人

以求入而卒以不能鄆陵之盟為不睦矣其不與同以見四國之盟有不與者也故不月與日以見譏此昭公所以終去如晉也

定四年五月公及諸侯盟于臯馳

會召諸侯也

楚然終不能為蔡釋怨於楚使蔡去中夏而即夷故明年蔡侯以吳子及楚人戰于柏舉遂復蔡怨故臯馳之盟不日亦不與同所以譏諸侯之無能為而傷中夏之微也

定十二年冬十月癸亥公會齊侯盟于黃

右五十三著例四十三其變例十

孫

昭二十五年九月己亥公孫于齊

右一著例

喪至

相十八年夏四月丁酉公之喪至自齊

定元年夏六月癸亥公之喪至自乾侯

右二著例

薨

隱十一年冬十有一月壬辰公薨

相十八年夏四月丙子公薨于齊

莊三十二年秋八月癸亥公薨于路寢

閔二年秋八月辛丑公薨

僖三十三年十有二月乙巳公薨于小寢

文十八年二月丁丑公薨于墓下

宣十八年冬十月壬戌公薨于路寢

成十八年八月己丑公薨于路寢

襄三十一年六月辛己公薨于楚宮

昭三十二年十有二月己未公薨于乾侯
定十五年夏五月壬申公薨于高寢

右十一著例

葬

栢十八年冬十有二月己丑葬我君栢公

閔元年夏六月辛酉葬我君莊公

文元年夏四月丁巳葬我君僖公

文十八年六月癸酉葬我君文公

成元年二月辛酉葬我君宣公

成十八年十有二月丁未葬我君成公

襄三十一年冬十月癸酉葬我君襄公

定元年秋七月癸巳葬我君昭公

六例三

七

前月

定十五年九月丁巳葬我君定公

右九著例

西疇居士春秋本例卷第三

西疇居士春秋本例卷第四

涪陵崔氏

公門

例月

會

隱二年春公會戎于潛不正公之會我且又

隱九年冬公會齊侯于防當是時栢公拜父相與謀亂公顧不能靖內難至於

身弑而不知故不月以見譏

隱十年王二月公會齊侯鄭伯于中丘

隱十一年夏 公會鄭伯于時來

桓元年三月公會鄭伯于垂

桓二年三月公會齊侯陳侯鄭伯于稷

桓三年正月公會齊侯于贏

是年六月公會杞侯于郟

是年九月公會齊侯于謹

桓六年夏四月公會紀侯于郟

桓十年秋公會衛侯于桃丘弗遇弗有故意衛侯故不欲會公其

不月九不成會者例不月

桓十一年九月公會宋公于夫鍾

是年冬十有二月公會宋公于闕

桓十二年八月公會宋公于虛

本例四

是年冬十有一月公會宋公于龜

桓十四年春正月公會鄭伯于曹

桓十五年五月公會齊侯于艾

桓十六年春正月公會宋公蔡侯衛侯于曹

桓十八年春王正月公會齊侯于濼

莊二十七年春公會杞伯姬于洮婦人既嫁見兄弟不踰域而公會伯

姬于洮故不月以見譏

是年冬公會齊侯于城濮相文之盟不日相文之會不月蓋信而安之春秋變

例以美二伯者如此

僖元年八月公會齊侯宋公鄭伯曹伯邾人于櫟

相會不月譏公喪會故加月

僖五年夏公及齊侯宋公陳侯衛侯鄭伯許男

曹伯會王世子于首止不月會

僖九年夏公會宰周公齊侯宋子衛侯鄭伯許

男曹伯于葵丘不月會

僖十一年夏公及夫人姜氏會齊侯于陽穀不月會

僖十三年夏四月公會齊侯宋公陳侯衛侯鄭

伯許男曹伯于鹹不月承

僖十六年冬十有二月公會齊侯宋公陳侯衛侯

鄭伯許男邢侯曹伯于淮齊桓之霸九十二會而

道其不以兵車而已杜丘之盟陽穀之會淮之會蓋有

兵車也是時桓德既衰禁亦內侮伐徐敗婁林之師桓

僖二十八年冬公會晉侯齊侯宋公蔡侯鄭伯陳

子莒子邾子秦人于温不月會

本例四

文十三年冬衛侯會公于沓公如晉故不月

是年十有二月鄭伯會公于棐矣詳具經解

宣元年夏公會齊侯于平州此喪會故不

宣七年冬公會晉侯宋公衛侯鄭伯曹伯于黑壤

是年夏會伐萊秋而至冬又會黑壤春而至其間大

早之不恤且古者凶荒殺禮簡政今公區區以侵伐

成二年十有一月公會楚公子嬰齊于蜀矣故不月以見譏

成十二年夏公會晉侯衛侯于瑣澤不月蓋譏也

春秋以例著者不疑也

成十六年秋公會晉侯齊侯衛侯宋華元邾人于

沙隨不見公是蓋魯有內難故往後期而諸侯不及

襄五年秋公會晉侯宋公陳侯衛侯鄭伯曹伯莒

子邾子滕子薛伯齊世子光吳人郟人于戚春秋

尊中國而賤夷狄先吳於郟諸侯之罪也故不月以見譏

襄七年十有二月公會晉侯宋公陳侯衛侯曹

伯莒子邾子于鄆

襄十年春公會晉侯宋公衛侯曹伯莒子邾子

滕子薛伯杞伯小邾子齊世子光會吳于祖再

會即吳也吳夷也不正以諸侯之尊即吳而遠會故不月以見譏

襄十一年秋七月會于蕭魚伐鄭諸侯

襄十六年三月公會晉侯宋公衛侯鄭伯曹伯莒

子邾子薛伯杞伯小邾子于溴梁

襄二十一年冬十月公會晉侯齊侯宋公衛侯

鄭伯曹伯莒子邾子于商任

本例四

襄二十二年冬公會晉侯齊侯宋公衛侯鄭伯

曹伯莒子邾子薛伯杞伯小邾子于沙隨傳稱

沙隨復錮藥氏猶信也前年秋藥盈出奔楚晉私以一大夫之故暮年之間再合諸侯見晉之失正

而非所以令諸侯也齊人於是不能明年伐齊遂代晉則當時之事可知矣始令猶可再令而譏矣

故必隨之會不月以見之

襄二十四年秋八月公會晉侯宋公衛侯鄭伯曹

伯莒子邾子滕子薛伯杞伯小邾子于夷儀

襄二十五年夏五月公會晉侯宋公衛侯鄭伯曹

子莒子邾子滕子薛伯杞伯小邾子于夷儀

襄二十六年夏公會晉人鄭良霄宋人曹人于

澶淵不正公與大夫會故不月以見譏

昭十三年秋公會劉子晉侯齊侯宋公衛侯鄭

伯曹伯莒子邾子滕子薛伯杞伯小邾子于

平丘八月甲戌同盟于平丘公不肯與盟是蓋諸侯不肯與公盟也諸侯不肯與公盟而三公不與盟蓋諱之也使若公自不盟云尔故不月公之行以見之詳具經解

定八年夏公會晉師于瓦不正公之會晉師故不月以見譏

定十年夏公會齊侯于頰谷頰谷之會齊人伏甲以劫我見是時孔子相

焉而謀以不行然則是會也亦殆矣故不月以見譏

定十四年五月公會齊侯衛侯于牽

哀七年夏公會吳于郟不正公之會吳故不月以見譏

哀十二年夏五月公會吳于橐臯會吳亦譏也承孟子卒月

是年秋公會衛侯宋皇瑗于鄭喪會故不月以見譏然後知孟

子昭夫人而哀嫡祖母也

哀十三年夏公會晉侯及吳子于黃池是時吳實主會

其曰會晉及吳主晉而賓吳也辭費矣然而吳子進矣進吳子所以傷中國之亡也故不月以見焉猶曰是非中國得意之會云爾

右五十三著例三十二其變例二十一

如

桓十八年春王正月公與夫人姜氏如齊

莊二十二年冬公如齊納幣解具納幣下

莊二十三年夏公如齊觀社解具觀社下

莊二十四年夏公如齊逆女解具逆女下

僖十年春王正月公如齊

僖十五年春王正月公如齊

僖三十三年冬十月公如齊

文三年冬公如晉譏亟朝也凡公如某而不目其事者皆朝也周官之制諸侯有世相

朝之禮春秋之時天下無王霸主更盟故一君有再
三朝者春秋權重之且猶與之至於比年亟朝則為
己甚然後譏焉故凡比年亟如皆不月者所以見譏
也文二年三月乙巳及晉處父盟此蓋公在晉而盟
也傳謂晉人以公不朝來討故公如晉晉使處父盟
公以耻之猶信也春秋不書公如晉蓋諱之而於三
年譏亟朝則二年之
盟公在晉不疑矣

文十三年冬公如晉

下書衛侯會公于杏蓋是時公方脩禮于大國而遽與它國

會以為失事盟主之道故不月以見譏

宣四年秋公如齊

宣五年春公如齊

比年而朝譏亟也

宣九年春王正月公如齊

八年六月夫人薨氏薨然則此喪朝也何以不

譏禮庶子為後為其母無宣公以廢立故春秋不譏喪朝然後知妾母不得稱夫人也下十年秋欲有所見者不嫌也

宣十年春公如齊

譏亟

本列四

五

是年夏四月公如齊

承日食月

成三年夏公如晉

譏亟

成四年夏四月公如晉

承威孫卒月

成十年秋七月公如晉

成十三年三月公如京師

成十八年春王正月公如晉

譏亟承殺大夫月

襄三年春公如晉

譏亟且喪朝

襄四年冬公如晉

譏亟

襄八年春王正月公如晉

襄十二年冬公如晉

公比年伐鄭出會魯未息肩而又朝于晉夫內齊吳國事

而區區以侵伐斯會朝聘之為急亦不知務矣故不月以見譏十一年伐鄭成虎卒十一年夏伐鄭盟是也春秋凡此志譏矣

襄二十一年春王正月公如晉

襄二十八年十有一月公如楚

昭二年冬公如晉至河乃復解門具復門

昭五年春王正月公如晉

昭七年三月公如楚

昭十二年夏公如晉至河乃復

昭十三年冬公如晉至河乃復

昭十五年冬公如晉十二年十三年兩如晉皆不得入見郟於大國猶不自愧而復

朝焉雖不至河而復猶譏也春秋之義豈遠於人情哉

昭二十一年冬公如晉至河乃復

昭二十三年冬公如晉至河有疾乃復

昭二十七年春公如齊是時公失國居郟故凡如齊如晉皆不月以見譏

是年冬十月公如齊承曹午辛月

昭二十八年王三月公如晉次于乾侯解門

昭二十九年春公如晉次于乾侯公比如晉而不得入故皆不月也

定三年王正月公如晉至河乃復

右三十八著例十七其變例二十一

西疇居士春秋本例卷第四

西疇居士春秋本例卷第五

涪陵崔氏

公門

例月九月往則月至不月往則不月至不月往不月至皆譏也唯相文之例則異是

至

相二年冬公至自唐春秋賤相於相之事未有譏焉者然此不月至何也春秋之

列內地例不致其致者例不月文十七年至自穀定十三年至自圍成是其例也唐內地

相十六年秋七月公至自伐鄭 月往

莊五年秋公至自伐衛 不月往

莊二十三年公至自齊 不月往

是年夏公至自齊 不月往

莊二十四年秋公至自齊 不月往

莊二十六年夏公至自伐戎 不月往

僖四年八月公至自伐楚 相會不月往 葬許穆公月

僖六年冬公至自伐鄭 相會不月往

僖十五年九月公至自會 相會不月往 為己加晦月

僖十七年九月公至自會 相會例不月津之會譏也 故月往而月致詳具經解

僖二十六年冬公至自伐齊 不月往

僖二十九年春公至自圍許 文會不月往

僖三十三年十有二月公至自齊 月往

文四年春公至自晉 不月往

文十四年春王正月公至自晉 不月往而月致何也 十三年冬公如晉衛

侯會公于沓是時公方脩禮于大國而遽與他國結會以為失事霸主之道故不月以見譏下書十有二月乙丑公及晉侯盟公還自晉鄭伯會公于棗以為卒事於大國然後可與他國會故特月致見卒事而會不譏始往而會者譏耳

是年秋七月公至自會 月往

文十七年冬公至自穀 內地例不致其致例不月是時齊方以子穀姬之罪致責

于我魯數求齊盟而不得穀之盟非得意之盟也故特致焉穀內地

宣四年秋公至自齊 不月往

宣五年夏公至自齊 不月往

宣八年春公至自會 不月往

宣九年春王正月公至自齊 月往

宣十年春公至自齊 不月往

是年五月公至自齊 不月往 承陳絳君月

宣十七年秋公至自會 月往而不月致有譏也宣公之立事齊而不事晉豈斷道

之會而晉有責於我乎故不月致以見之

成三年二月公至自伐鄭 月往

是年夏公至自晉 不月往

成四年秋公至自晉 不月往

成六年春王正月公至自會 月往

成七年八月公至自會 不月往而月至承戊辰盟月

成九年春王正月公至自會 月往

本例五

成十一年春王三月公至自會 同月至

成十三年秋七月公至自伐秦 月往

成十五年三月公至自會 同月至

成十六年秋公至自會 不月往

是年九月公至自會 不月往而月致承季孫盟月

成十七年秋公至自會 不月往

是年十一月公至自伐鄭 不月往而月致為仲嬰齊卒月

成十八年夏公至自晉 不月往

襄三年夏四月公至自晉 不月往而月致承晉盟月

是年秋公至自會 月往而不月致所譏不在往會也

大夫主盟故譏也與與梁之會不月致同例

襄五年春公至自晉 不月往

是年秋公至自會 不月往

是年十有二月公至自救陳 不月往而月致 為行父卒月

襄八年夏公至自自晉 月往而不月致是時公在晉而 季孫宿會晉侯鄭伯齊人宋人

衛人邾人于邢丘夫魯君在晉而晉侯乃與其大夫會舍 君而與臣則季氏專魯而公不得為政可知矣且公以禮 出事人然而內不能制其臣外見鄙 於木國又留于晉故不月致以見譏

襄十年夏五月公至自自會 不月往而月致 承滅偃陽月

是年冬公至自伐鄭 不月往

襄十一年秋七月公至自伐鄭 承己未盟月此譏亟 伐鄭往至皆不月

是月公至自自會 同上 譏

襄十三年春公至自自晉 不月 往

襄十六年夏公至自自會 月往而不月致蓋不正諸侯 為會而乃使大夫主盟故譏

也與難澤之盟不月 致同例詳具經解

本例五

三

見二

襄十九年春王正月公至自伐齊 月往

襄二十年秋公至自自會 月往而不月致公與邾子盟澶 淵比至于國而大夫已伐邾矣

不正公之渝盟而亟伐故以見譏也 然後知澶淵之盟故不與同明矣

襄二十一年夏公至自自晉 月往而不月致豈公如晉朝 以謝背盟伐邾之故而晉猶

有責於我乎 故以見譏也

襄二十二年春王正月公至自自會 往至 同月

是年冬公至自自會 不月 往

襄二十四年冬公至自自會 不月 往

襄二十五年秋八月公至自自會 月往

襄二十九年夏五月公至自自楚

昭五年秋七月公至自自晉 月往

昭七年九月公至自自楚 月往

昭十三年八月公至自會不月往而三致承同盟月

昭十六年夏公至自晉不月往

昭二十六年三月公至自齊居于鄆解具居鄆下

是年秋公至自會居于鄆

昭二十七年春公至自齊居于鄆

是年冬十月公至自齊居于鄆

昭二十九年春公至自乾侯居于鄆

定四年秋七月公至自會月往

定六年二月公至自侵鄭往至同月

定八年王正月公至自侵齊往至同月

是年三月公至自侵齊月往

是年夏公至自死不月往

本例五

定十年夏公至自夾谷不月往

定十二年十有一月公至自黃月往

是年十有二月公至自圍成往至同月

定十四年五月公至自會往至同月

哀十年五月公至自伐齊往會吳例不月為葬齊悼公月

哀十三年秋公至自會不月往

右七十九著例三十其變例四十九

在

襄二十九年春王正月公在楚

昭三十年春王正月公在乾侯昭公失國在外不譏正月以存君

子之辭也

昭三十一年春王正月公在乾侯

昭三十二年春王正月公在乾侯

右四著例

居

昭二十六年三月公至自齊居于鄆

昭日孫故月致昭公自失國

往至皆不月居外亦不月以歲

是年秋公至自會居于鄆

昭二十七年春公至自齊居于鄆

是年冬十月公至自齊居于鄆

承曹伯卒月

昭二十九年春公至自乾侯居于鄆

右五變例

還

文十三年冬十有一月公還自晉

本例五

五

八月

右一著例

復

昭二年冬公如晉至河乃復

公朝于晉晉人辭焉故至河乃復凡此志譏也

此又喪朝也

昭十二年夏公如晉至河乃復

昭十三年冬公如晉至河乃復

昭二十一年冬公如晉至河乃復

昭二十二年冬公如晉至河有疾乃復

定三年春王正月公如晉至河乃復

昭公之不得入于晉亦以數矣

定公之復容有故焉春秋亦譏其可譏者而已

右六著例一其變例五

次

莊三年冬公次于滑是將救紀而不能者也傳曰

矣故不月以見義

僖四年三月公會伐楚次于陘

僖十五年三月公會盟牡丘遂次于匡

昭二十五年九月公孫于齊次于陽州承孫齊月昭公自失

國凡如次母皆不月以譏

昭二十八年春王三月公如晉次于乾侯承葬曹悼公月

昭二十九年春公如晉次于乾侯

右六著例二其變例四

遇

隱四年夏公及宋公遇于清

莊二十三年夏公及齊侯遇于穀本例五

莊三十年冬公及齊侯遇于魯濟六

右三變例周官有朝覲宗遇會同之禮春秋之

遇者特志其相過而已禮記所謂未及期見是也當是時諸侯不信期會失時故有未及期而相見者猶詩所謂邂逅相遇云爾凡遇之志皆譏也故不月以見之

至

僖二十六年春王正月公追齊師至鄆弗及

襄十五年夏公救成至遇公救成而至遇不及乎事也凡春秋不及乎其事者

志以畧此公行所以不月也

右二著例一其變例一

以

僖一十六年冬公以楚師伐齊

右一變例解具伐齊下

城

文七年公伐邾三月甲戌取須句遂城郛

城與者之事而公親

之其日兼譏取須句而遂城郛也

右一變例

西疇居士春秋本例卷第五



本例五

